

# جريدة حكاية

جمعه ايرتسى

روز	ربيع الاول	سنه	كانون اول	سنه	صحيفه
۳۲۸	۱۲	۱۳۰۳	۷	۱۳۰۱	۳۱۶۹

- \* اشبو غزته بهر هفته جمعه ايرتسى كونلرى چيقار سنه لكى در سعادت ايچون مجيديه \*
  - \* يكرمى غروش حسابيله التمش غروشدر طشره لر ايچون اون بش غروش پوسته اجرتى ضم اولنور بهر \*
  - \* نسخه سى ينه مجيديه يكرمى غروش اولق اوزره يوز ياره به هر يره صاتيلاور درج اولنه جق اعلانك \*
  - \* هر برندن بر مجيديه اخذ اولنور سنه لکنه مشترى اولق استيانلر عدليه نظارتى دائره سنه كاشن \*
- جریده محاکم اداره سنه مراجعت ایلیدر \*

## قسمت سومی

عائد اولديغى حالدده بغداد تجارت او طه سنه قيد اولمقدن استنكاف ايدن تبارك كفالتنامه لرى محلى محكمه تجار تبحه قبول وتصديق اولنمقده بولنش اولديغندن نظامنامه مخصوص احكامك حسن محافظه سى ضمنده بعدما تجاره متعلق كفالتنامه لرده تجارت او طه سنك تصديق كورلمدكجه قبول اولنماسى حقهنده تعمياً طشره محاكمى رؤساء سنه اجراى تبليغات اولنمى لزومى تجارت نظارت جليله سنندن مبعوث تذكره ده اشعار اولنديغنك بيانيله اقتضاسنك اجراسى شرفوارد اولان فى ۱ اغستوس سنه ۱۳۰۰ تاريخلى وايكيوز يكرمى طقوز رقىلى تذكره ساميه ده امر واشعار بيورلش ودائرة تفتيشيه لرنده بولنان محاكمه تبليغ اولنمق اوزره اشبو تحريراتك نسخ مطبوعه

- ( عدليه نظارت جليله سنندن فى ۳ ربيع الاول )
- ( سنه ۱۳۰۳ وفى ۲۸ تشرين ثانى سنه )
- ( ۱۳۰۱ تاريخننده درسمادت و ولايات عدليه )
- ( مفتشلكارينه ياز يلان محرار ت عليه نك صورتيدر )

امور تجاريه ايله مشغول بولنانلره متعلق كفالت وتعهده نامه لرده محرر كفلانك درجه ثروت واعتبار لر ينك وتبارك معالمة تجاريه ده دائر اولان دفترلر ينه متسلسل نومرو وضعيله تصديق باراده سنه بوراده در سعادت تجارت او طه سنه وطشره لرده منسوب اولدقلى تجارت او طه لر ينه



کافیہ سی لفا ارسال قلمش اولغله بروجہ محرر  
اجرای ایجابی

( عدلیہ نظارت جلیہ سندن فی ۸ ربیع الاول )  
( سنہ ۳۰۳ و فی ۳ کانون اول سنہ ۳۰۱ )  
( تاریخندہ عموم ولایات عدلیہ مفتش لکرنہ )  
( تسطیر اولنان تحریرات عمومیہ صورتیدر )

شاهد صفتیہ جلیہرینہ لزوم کورینان مخدراتک  
بعضیلری محکمہ یہ کلکدن تحاشی ایلدکاری و بونلرک  
قوة جبریہ ایله احضاری مشکل و بعض برلده  
غیر قابل ایدوکی بیانیله احکام قانونیہ یی سکتهدن  
و حقوق عمومیہ بی خلدن محافظہ ایچون بو باده  
نه صورتله معامله اولتمق لازم کله جکی بعض طرفدن  
استفسار اولتمی اوزرینہ کیفیت انجمن عدلیہ یہ  
لدی احواله زوجنک عدم رضاسندن و یا خود  
سائر اسباب مشروعه دن طولایی جلیہری قابل  
اوله میان قادیلرک خانہ لرینہ قدر مأمور مخصوص  
ارسالیله افاده لرینک ضبطی اصول محاکمات  
جزائیہ قانون موقتک یتش سکرنجی ماده سی  
دلالتیله جائز اوله بیله جکنه نظراً اولوجهله معامله  
اولتمق لازم کله جکی افاده اولتمش و ایجاب ایدلرہ  
تبلیغ ایدلک اوزرہ اشبو تحریراتک نسخ مطبوعه  
کافیہ سی علی الاصول لفا ارسال قلمش اولغله اجرای  
ایجابی خصوص سنہ همت

فی ۳۰ تشرین ثانی سنہ ۱۳۰۱ تاریخندن ۴  
کانون اول سنہ ۱۳۰۱ تاریخندہ قدر محکمہ  
جنایتجه بالمحاکه حکم لری اعطا اولنان خصوصاتی  
مبین زورنالدر

بشکطاشده کوی ایچنده ساکن تنباکوجی ابرانی  
رضانک کیفیت قتلندن طولایی جنایتله اتهام اولنان  
مناو و بالقجی سوطیری و حبسخانه عمومیدن  
فرار ایدن کلش یانقو حق لرنده و جاهاً و غیاباً اجرا  
قلنان محاکمه اوزرینہ مرقوماندن یانقونک من غیر  
تعهد فعل قتلہ اجتماساری تحققی اتمکله قانون جزانک  
بوز یتش دردنجی ماده سنک ققره اولسنه توفیقاً  
اون بش سنه مدتله کورکه قونلسنه غیاباً و سوطرینک  
برائت ذمتیله تخلیه سبیلنه غیاباً قرار و برلدی

بک اوغلنده افا جامع شریفی جوارنده ساکنه  
کرخانہ جی النینک کیفیت قتلندن طولایی متهم  
بولنان حاجی زنجی رجب حقنده اجرا قلنان محاکمه  
نتیجه سنده احوال موجوده حکمه کافی اولدیغندن  
برائت ذمتیله سبیلنک اخلاسنه قرار و برلدی

قوغه جی دده مدرسه سی بوابی بوی آبادلی یوسف  
افندیکن قاتلری اولمق اوزرہ متهم بولنان طلبه دن محمد  
امین و کاظم حق لرنده اجرا قلنان محاکمه نتیجه سنده  
کاظمک معاونتیله محمد امینک من غیر تعهد فعل قتلہ  
اجتماساری ثابت اولغله ۱۷۴ نجی ماده موجوده  
محمد امینک اون بش و ۱۷۵ نجی ماده به توفیقاً کاظمک  
اوچ سنه مدتله کورکه قونلرینہ قرار و برلدی

غلطه ده بونانی یانی به قتل قصدیله طبا بجه ادبغی

ادما قلنان صقاللی میکنک فعل و حرکتی اخافه  
درجه سنده کورلمکله قانون جزانک ۱۷۹ نجی  
ماده سی ذیلنه تطبیقاً التی ماه مدتله حبس سنه  
حکم اولندی

بونانی یورکینک کریمه سی قترینه نک حامله اولدیغی  
جنینی قصداً اسقاط ایله مزبورہ نک وفاتنه سببیت  
و یردیکی ادما اولنان قابلہ فیلونک عندالمحاکه  
علیهنده درمیان اولنان احوال حکم ایچون کافی  
اولدیغندن برائت ذمتیله بشقه بر سبیدن طولایی  
موقوف دکل ایسه تخلیه سبیلنه قرار و برلدی

### قسم غیر رسمی

ملا فناری محله سنده مستأجرأ ساکن بفقوان  
حسن اغالک جرح و قتل اولتمسندن طولایی مظنون  
علیه اولنردن ژاندارمه درویش بن اسماعیلک  
و محمد بن خلیلک محاکمه سنه دائر محکمہ جنایتک  
ضبط ورقه سندن مابعد

مذکور بلغراد موقعنده بر ژاندارمه چاوشی وایکی  
نفر ایله بر پولیس نفری بولندیغنی و بطلال اغا دخی  
کندوسی یوکسک قالدیرم قره غونخانه سنده

مستخدم اولوب موسمی تعیین ایده میدجکی  
بر چهارشنبه کیجه سی ساعت ایکیده شهر امینی  
مرکزینہ کیدوب درت بچقده عودتنده طپوز  
محمدک ساعت اوچدن التی به قدر اولان نوبت  
بکلمکده اولدیغنی کوردیکی کبی یدی راده لرنده  
حسان افندی دوریه قولیله کلرک التیدن صکره  
دخی رامز نوبته چیقوب طپوز محمدک یاندیغنی  
وصالح چارش دخی یوزباشی محمد اغالک معیتنده  
اوله رق اوکیجه دوریه ده کزوب موسمی الیهک  
افاده سی وجهله طپوز محمد و درویشی قره غونخانه لرنده  
کوردیکی و بلغراد قره غونخانه سنده بولندیغنی  
سویلیان صادق چاوش دخی لیلہ مذکورده ده  
ساعت ایکیده کندوسی پولیس چاوشی  
تحسین و علی افندیلرله قوله چیقوب پولیس کاظم  
افندی ژاندارمه عبده و درویشی قره غونخانه ده  
بر اقدقرینی و ساعت بشده عودتله یاندقری مثللو  
نوبتجی عبده دخی او یویه قانش اولدیغندن  
ساعت یدی راده لرنده یوزباشی محمد اغا کلرک  
پولیس تحسین افندیکن کورکنی المق اوزرہ ایکن  
او یاندققرینی و درویشی قالدیروب نوبته  
چیقاردققرینی و مصطفی اونباشی دخی کندوسی  
ژاندارمه بطلال اغا و نفر توفیق و رامز و طپوز  
محمد ایله یوکسک قالدیرم مرکزنده بولنوب برکیجه  
ساعت یدی راده لرنده پولیس حسان افندی قول  
ایله کلکله کندوسی او یاندیغنده طپوز محمدک نوبته  
اولدیغنی کوردیکی و توفیق دخی اوکیجه اخشامدن  
ساعت اوچه قدر کندوسی اوچدن التی به قدر



طپوز محمد نوبت بکلیوب ساعت یدی قرارلرنده  
 حسان افندی کلدیکی وقت طپوز محمد دخی نوبتی  
 رامن، تسلیم ایله تاغنی سرمکده اولدیغنی کوردیکی  
 وعبده دخی اوکیجه درویش بلغراد مرکزنده  
 اخشا مدن الی به قدر و صکره مرقوم یاتوب  
 التیدن صباحه قدر دخی کندوسی نوبت بکلدیکی  
 ویدی راده لرنده یوزباشی محمد اغانک کلدیکی  
 و تحسین افندی دخی شباط ایچنده برچهارشنبه  
 یاخود پنجشنبه کیجه سی ساعت بش بچق راده لرنه  
 قدر دوریه ده کزوب بلغراد قره غولخانه سنه  
 عودتله التیده یاتدیغنی و مؤخرأ محمد اغا قول ایله  
 کلدیکنده درویشی نوبته قالدردقربی تذکار  
 وکاظم وعلی افندیلر دخی صادق چاوشک افاده سنی  
 تمامیه تصدیق و تکرار و حسان افندی دخی ساعت  
 بش صورلرنده دوریه ایله بلغراد قره غولخانه سنه  
 اوغراد یغنده درویشک نوبتی اولدیغنی کوروب  
 سؤالنده ارقداشلی تحسین افندی و سارلرینک  
 دوره چیقیش اولدقربی سو یلدیکی مثلاً و کندوسی  
 بونله اغاج قاقانده تصادف ایتدیکی و سائر موافقی  
 دخی دور ایتدکن صکره ساعت یدی قرارلرنده  
 یوکسک قالدیرمه کلدیکنده طپوز محمدک نوبته  
 بولندیغنی کوردیکی و بکر افندی دخی لیله  
 مذکوره ده معیتنده برنفر ژاندارمه بولندیغنی حالده  
 ساعت بش بچق الی صورلرنده بلغراد اوغرابوب  
 نوبتی درویش ایله قونشورلر ایکن تحسین  
 افندی دخی قولدن کلوب حسان افندی به اغاج قاقانده  
 راست کلدیکنی سو یلدیکی و بکچی بگردخی  
 اوکیجه ساعت اوچده محله بی طولاشوب قره  
 غولخانه به کلهرک اوتوردیغنده درویشی او بومقده  
 والتیده و طقوزده دخی تکرار اوغراد یغنده نوبت  
 بکلیمده اولدیغنی کوردیکی و بکچی امین دخی  
 ساعت تعیین ایده میه جکی مدت ایچنده قره غولخانه  
 او کندن کلوب یکدیجه درویشی نوبته کوردیکی  
 و چله سی دخی ایرتسی کونی مرقومان درویش  
 و طپوز محمدک لیله مذکورده ات میدانده  
 وقوعبولان قتلدن طولابی تحت الحفظ باب  
 ضبطیه کونردکربی بیان ایلدیلر متوفای  
 مرقوم حسنک کشف و معاینه سنی حاوی طیب  
 طرفندن قتل وقوعبولان خانه نک ژاندارمه  
 مأمورلریله محله اماملری حاضر اولدقربی حالده  
 معاینه لازمه بالاجرا پولیس جانبندن تنظیم اولنان  
 راپورتلر دخی لدی القرائه طیب راپورتنده  
 مرقوم حسنک صدر نک صاخ ناحیه جنیه سی  
 اوزرنده یدنجی و سکرنجی مسافه بین الضلعیندن  
 برآلت نار به دن ایلان مرعی دخول ایله التجی  
 و یدنجی فقرات ظهر به سنک بش ساتیمترو بعد  
 اینندن خروج ایدرک محل مذکوره بولنان  
 اعضای مهمه نک زده نمتسندن بالتأثر وفاة ایتش  
 اولدیغنی و دیگر راپورتک خلاصه سی دخی ذکر  
 اولنان خانه قپوسنک اچیلوب قپانان قنادینک  
 زقاق یوزنده و درت محلنده و طاش و تیور اورلندن  
 حصوله کلش ازیک و بر محلنده دخی لدی التطبيق  
 اوج پرمق اوزونلغنده قصاطوره یاریغی  
 کوردیکی مثلاً مذکور قپو ذاتاً اوج برندن  
 کیرمه چیقمه منتهیه به مربوط بولندیغندن خارجدن

قالدیر بلور ایسه اچیله جغنی اکلاشلش و خانه نک  
 نزدبانلرنده دخی قان دامله لری مشاهده اولنش  
 ایدوکنی مبین یولغله تدقیق اتانک بوندن عبارت  
 ایدوکی بیان اولندقدمه معاون مومی ایله جدی  
 افندی مهم درویش و طپوز محمدک مسلح اولدقربی  
 حالده لیلأ حسنک ساکن بولندیغنی خانه نک  
 قپوسنی معامله جبر و شدت اجراسیله قیرهرق  
 بالدخول مرقوم حسنی درویشک روولور قورشونیه  
 جرح و قتل ایلدیکی متوفای مرقومک ضبط  
 اولنان افاده سی و حوانک تشخیص و تفریق و بونی  
 مؤید اولهرق دریه و ناجیه نک اخبارلری و درویشک  
 دریه نک اخبارینی مع التاویل تصدیق و اعتراف  
 ایلدی ایله ثابت اولمش و احوال موجودیه قارشو  
 مدافعه شاهدلرینک افاداتنک قبول اولنه میه جغنی  
 بدیهی بولنش اولدیغندن بختله مجرمیتلریه قرار  
 و یلمسنی طلب و دعوی و وکیل علی رضا افندی  
 موکلرینک و قعه کیجه سی محل مأمور یلرندن بریره  
 کتمدکری ضبط و ربط اسسایشه مأمور اولان  
 ذواتک مع القسم درجات اوزرنه واقع اولان  
 اخبارلری ایله محقق اولدیغنی کبی متوفی حسن  
 جارحنی تشخیص ایده میوب درویشیه بکزر  
 دیمش اولسندن و حوا مدعی شخصی اولوب  
 قول مجرددن عبارت بولنان افاده سی قانوناً مقبول  
 اوله میه جغندن و دریه و ناجیه نک اخباراتی  
 ایسه فعل قتلدن طولابی موکلری علیه نه قطعاً  
 حکمه کافی کور یله میه جگندن ناشی برائت ذمتلریه  
 حکم اولمشنی استدعا ایتلریله ولدی السؤال طرفین  
 بشته بریه چکری اولدیغنی سو یلر یله محاکمه نک

ختم بولدیغنی بیان اولنهرق وقت تنک اولدیغندن  
 بالذاکره و یر یله جک قرارک تقهیمی شهر مذکورک  
 یکریمی التجی کونه تعلیق اولندی

یوم مذکورده هیئت محکمه کماکان حاضر اولدیغنی  
 حالده طرفینک ادعا و مدافعاتی و تدقیق اولنان  
 افادات مضبوطه اوراقی اوزرنه ایجاب کیفیت  
 لدی المذاکره متهمان مرقومان هر نقدر انکار  
 نهمت ایتکده و معلوم الاسامی مدافعه شاهدلری  
 دخی بونلرک بولندقربی قره غولخانه دن بریره  
 چیقمدقربی سو یلکده و وکیل مومی ایله دخی  
 مقتول حسن ایله مدعیه شخصییه حوانک افاداتنه  
 و ناجیه و دریه نک اخباراتنه بروجه محرر اعتراض  
 ایلکده ایسه لرنده مرقوم حسن اوکیجه خانه قپوسنی  
 جبراً قیرهرق دخول ایدن ژاندارمه لردن کندوسی  
 روولور قورشونیه اوران آدمک درویشیه  
 بکزر ایدوکنی و رفیق دخی طپوز محمد اولدیغنی  
 سو یلیوب حیاتندن نومید اولان بر شخصک  
 حقیقتدن بشته برشی سو یلیه جکی بدیهی بولندیغنی  
 مثلاً مع القسم استماع اولنان ناجیه دخی متوفی  
 حسن مجروحاً یوقارو چیقدیغنده بنی درویش  
 و طپوز محمد اوردیله یدیکی اخبار ایلوب اشوب  
 احوال قپونک قپوسنی معقب بن بوکیجه سنک  
 قانکی ایچرم دیو لنده بولنان روولور ایله زوجی  
 حسنی جرح ایدن درویش اولدیغنه و طپوز محمدک  
 دخی زقاده بولندیغنه دائر مدعیه شخصییه حوا  
 خاتونک سبق ایدن افاده سیله مؤید بولمشنه



و مرقوم حسن بلغراد محله سنده ساکن بولندیغی  
 صروده درویش تسلط ایلهینه برکجه دیواردن  
 اتلایوب وجبروزور ایله قیوی قیروب خانهیه  
 کیره رک مرقوم حسنک کوکسنه روولور  
 طوتدیغی حالده درون خانهده بولنان قادیئرک منع  
 ایلدکری دریه طرفندن یمین ایله خبر ویریلوب  
 درویش دخی بوجهتی تأویل ایله معترف بولمسنه  
 و مجروح مرقوم حسنک قورشون ایله اور یلهرق  
 متأثراً وفاة ایتدیکی طیب طرفندن ویریلان و خانه  
 مذکورک قیوسنده طاش و تیمور و قصاطوره  
 نشانلری و زردبانلرنده قان دامله لری بولندیغی دخی  
 پولیس جانبندن تنظیم اولنان راپور تکرده بیان  
 قلموب بوجهتله دخی وقوعات و اخباراتک صدقنی  
 تأیید ایلسنه و مدافعه شهودینک اخباراتنه کلنجه  
 بلغراد موقعی مقتله بر بچق ساعت مسافهده اولوبوب  
 سرعتله کیدلسه نهایت یارم ساعتدن زیاده  
 سورمه چکی کبی موقع مذکور افرادندن اولوب  
 نو بچی بولنان عبد اللهک دخی او یویه قالمش  
 ایدوکی چله سی طرفندن اعتراف اولتمقده و درویش  
 و عبد اللهی قره غونخانهده براغوب کندولری  
 دوریه قولنه چیدقلمینی صادق چاوش و تحسین  
 افندی و سائرلری بیان ایتکده و ذاتاً بو باند  
 درمیان ایتدکری زمان تخمیندن عبارت بولندیغی  
 کبی کجه ساعت یدی راده لرنده پولیس حسان  
 افندی دوریه قولله کلکله او یاندیغندن طپوز  
 محمدی نو بنده کوردیکنی مصطفی او نباشی سولیکده  
 اولوب شو جالندن قره غونخانهده بولنانلرک

چله سی او یومقده اولدیغی منقهم اولهرق قتل کبی  
 برجنایتی ارتکاب ایدن شخصک وظیفه مأمور بئی  
 ترک ایله سوء استعمال و برارالق درویش ایله  
 برلشهرک فضیحه مذکورهیه جرأت ایله عودت  
 ایتلرینک مشتبعل کور یله مامسنه و علی الخصوص  
 اشبو احوال مسائل تقدیر بهدن اولوب تقدیر  
 وقوعات ایسه قانوناً انجق حکمی اعطا ایدن  
 محکمهیه حائذ و ظائفندن بولمسنه نظراً مرقومان  
 درویش و طپوز محمدک انکارلری واهی و وکیل  
 مومی الیهک مدافعاتی دخی بروجه محرر حاصل  
 اولان دلائلی تملیل ایله حکمدن اسقاطه غیر کافی  
 اونوب مرقومانک لیللاً و مسلماً معامله جبر  
 و شدت اجراسیله حسنک ساکن اولدیغی خانه سی  
 قیوسنی قیرهرق بونلردن درویشک روولور  
 قورشونیه مرقوم حسنی جرح وقتل ایلدیکی تحقیق  
 ایتکله مجرم اولدقلمینه متفقاً قرار ویریلهرک  
 او بابده تنظیم اولن قرارنامه معاون و وکیل مومی  
 الیهما و مدعیه شخصیه و متمم درویش و طپوز  
 مواجه لرنده علناً قرائت اولدقده معاون مومی  
 الیه جدی افندی مجرمیتلری قرار کیر اولنلردن  
 درویشک حرکتی قانون جزانک یوز یتمش دردیجی  
 ماده سنک فقره اولسنه و طپوز محمدک فعلی دخی  
 یوز بشنجی ماده سنه موافق بولندیغندن اولوجهله  
 تعیین مجازاتلری و وکیل علی رضا افندی دخی حق  
 تمیزلری باقی اولق اوزره موکلرینک تخفیف  
 جزاسنی طاب ایتلریله مذاکره او طه سنه عودت  
 اولندی

جهت جزایه حقنده دخی مذاکره کیفیت اولدقده  
 مرقوم درویشک مقدا بلغراد محله سنده کی  
 خانهده ایکن به حسنه تشهیر سلاح ایتسی بادی  
 امرده فعل قتلی عمداً و قوعبولش کبی کوستره کده  
 ایسه ده انجق خانه مذکوره اولان قادیئر آفته  
 طاقندن اوللری و برابر لرنده ذکور دن ارقداشلری  
 بولملری و مقتولک دخی خانه سنه مسافر قبول ایدر  
 مقوله دن بولمسی ملبسه سیله مجرمان مرقومان  
 کندولر بی دخی ایچرو المسی ایچون واقع اولان  
 اصرار لرنه حسنک مخالفت ایتسندن ناشی حاصل  
 اولان تهور و غضب اوزرینه قتل مذکورک من غیر  
 تعمد و قوعه کلدیکی روش حالدن استدلال اولتمقده  
 معاون مومی الیهک ادعای و جهله مرقومان  
 درویشک حرکتی قانون جزانک یوز یتمش دردیجی  
 ماده سنک و بونلر ژاندارمه اولدقلمی حالده مسلماً  
 و جبراً مذکور خانهیه کیرملرنن ناشی طپوز محمدک  
 حرکتی دخی یوز بشنجی ماده قانونیه نک اولسکی  
 فقره لرنه موافق اولدیغنه و فقرات مذکوره ده  
 دخی برکسه من غیر تعمد بر شخصی اتلاف ایتمش  
 ایسه اون بش سنه مدتله کورکه قونیلور و هر بر  
 مأمور قوانین ملکیه و عسکریه و مؤسسی اولان  
 صبطیه نظاماتک جواز و یردیکی خصوصاتدن  
 غیر احوال قوانین و نظاماتک تعیین ایتدیکی  
 اصولدن بشقه اولهرق مأموریتی صفتیه  
 برکس سنک خانه سنه جبراً کیرر ایسه الی ایدن  
 اوچ سنه به قدر حبس اولنور دیو محرر بولندیغنه  
 مینی بو حکمره توفیقاً و ابتدای توقیف لری اولان  
 اوچیز ایکی سنه سی جازای الاوایسنک یکر می

بشنجی کونندن اعتباراً درویشک اون طقوزنجی  
 ماده قانونیه منطوقجه بعدالتشهیر اون بش سنه  
 مدتله کورکه قونلمسنه متفقاً و طپوز محمدک دخی  
 اوچ سنه مدتله حبس اولتمسنه اکثر یتله و ضبط  
 و اعلام و استنطاق خرج لری اولان من حیث المجموع  
 التیوز او توز غروشک مرقومانن بالتحصیل  
 عدلیه و زنه سنه تسلیم ایلدسنه اوچیز اوچ  
 سنه سی محرمتک یکر می التنجی کوننه مصادف  
 اولان اوچیز بر سنه سی تشرین اولنک یکر می  
 ایکنجی کونی قرار ویریلهرک قانون دائره سنه  
 تفهیمی اجرا و اصول محکمه جه معین اولان بالجه  
 معاملات و اخطارات ایضا اولندی



( محکمه تمیز جزا دائره سی )

فرار ایدوب در دست ایدیلان مجرملر حقنده اجرا  
 قلمه جق محاکمه تدقیق هوینه منحصر اولوب  
 بوده علیهنه حکم ایدن محکمهیه حائذدر یوقسه  
 هیئت اتهامیه جه قبل المحاکمه تدقیقات اجراسی  
 اولبایده بر مضبطه تنظیمی مساع و صلاحیت  
 قانونیه خارجنده اوله جغندن نقض حکم و فسخ  
 مضبطه بی موجب اولور . فرار ایدن مجرملرک  
 محکومیتنی مبین اولان اعلامک محکمه تمیزجه  
 بالتصدیق صورت قطعیه کسب ایتلش اولوب  
 اولدیغنک مجرملرک فرار ایتلرنن طولایی جریان



ایدن محاکمه اثنا سنده تحقیق و تدقیق اولنامه سی  
ورده محکمه جنایتک وظیفه سی متهمک ادعا  
اولنان فعلی مرتکب اولوب اولدیغنه قرار  
و یرمکدن عبارت ایکن هیئت اتهامیه مضبطه سنک  
تصدیقنه قرار و یرلمسی نقض حکمی اتناج ایدر

( خلاصه اعلام )

جنایت واقعه لرندن طولانی محکوماً موقوف ایکن  
محافظلرک عدم تقید لرندن ناشی سلیمانیه حبسخانه سندن  
فرار ایدوب مؤخرأ در دست ایدیلان اشخاصدن  
هیئت اتهامیه جه جنایتله اتهام اولنان شیخ عبدالرحمن  
بن شیخ عبدالقادر ورستم بن رسولک اجرا قلنان  
محاکمه علنیه نتیجه سنده بیک اوچبوز سنه سی  
ربیع الاولک بکر می طقوزنجی کونی موقع جزا لرندن  
فرار ایتمکری اقرار لریله درجه و وضوحه  
واردیغندن هیئت اتهامیه فراری تحت تصدیقه  
النهرق جزا قانوننامه هما یونک یدنجی ماده سنک  
قره اولسی حکمنه توفیقاً اصل مدت جزایه لری  
اولان اون بش سنه به ثلثک ضمیمه تزید مدت  
جزایه لریله و درت یوز سکسان غروش مصارف  
محاکمه نک تحصیلنه دائر سلیمانیه سنجانی بدایت  
محکمه سندن فی ۶ جاذی الاخره سنه ۱۳۰۱  
وفی ۲۴ مارت سنه ۱۳۰۰ تاریخنده صدور  
ایدن اعلامک محکوماً حبسخانه دن فرار ایدن  
اشخاص حقلرنده مذکور ماده قانونیه به توفیقاً  
جزا ترتیبی محکومیتلر نک محکمه تمیزجه بالتصدیق  
صورت قطعیه کسب ایلمسنه متوقف اولوب

حالبوکه اشخاص مرقومه نک محکومیتلرینه دائر  
مقدما و یریلان اعلامک محکمه تمیزجه تصدیق  
اولنوب اولدیغنی حقنده برکونه تحقیقات اجرا  
قلنامش و اصول محاکمات جزایه قانونک ایکبوز  
طقساننجی ماده سی موجبجه محکمه جنایتک  
وظیفه سی متهمک ادعا اولنان فعلی مرتکب اولوب  
اولدیغنه قرار و یرمکدن عبارت اولدیغنی حالده  
( هیئت اتهامیه مضبطه سنک تصدیقنه ) قرار و یرلمسی  
یولسز بولتمش ای دوکنندن قانون مر بوزک اوچبوز  
اون در دنجی ماده سی موجبجه قضی باش مدعی  
عمومیلک مقام بهیه سندن طلب اولنسی اوزرینه  
محکمه تمیز جزا دائره سی آیده کی قراری و یرمشدر

( فقره حکمیه )

سائر اوراق دعوی دخی قرائله تدقیقات لازمه  
تمیزیه اجرا و اوندقده اصول محاکمات جزایه  
قانونک باب رابعنک فصل خامسنده محرر مواد  
قانونیه احکامنجیه بوقوله فرار ایدوب در دست  
ایدیلان محکوم علیه حقنده اجرا قلنه جق محاکمه تدقیق  
هو بته منحصر اولوب بوده علیه حکم ایدن  
محاکمه عائد اولدیغنی حالده مرقومک حسب الذکر  
فرارندن طولانی ایشک هیئت اتهامیه دن یکسنه  
مساغ و صلاحیت قانونیه اولدیغنه و فقط مرقومک  
محکومیتی اولباید اولان اعلامک محکمه تمیزک  
تصدیقیه مکملیت کسب ایده جکنه نظراً اوجهتی  
تدقیق اولدیغنه دائر تبلیغنامه ده محرر مطالعده  
بجا کورندیکنه بونی قانون وقت مذکورک اوچبوز

قانونک در دنجی بانک اوچنجی فصلی موجبجه  
مسئول طوتلمسی لازم کلور

( خلاصه اعلام )

علی و حسنک فاحشه دوندی به خاتونک شهره یارم  
ساعت مسافه ده و صورت علنیه ده فعل شنیع  
زنا اجرا ایلمکری لیلأ و علناً دخی تورکی چاغراق  
چاپراز اوغلنک کولبه سنده در دست اولندقلری  
عند المحاکمه اخبارات و بولردن حسنک مظنه  
سوء طاعتدن بولنسی دلیل و اماراتیه ثابت اولدیغندن  
حرکت واقعه لری قانون جزانک ایکبوز ایکنجی  
ماده سنه موافق کورلدیکندن مرقومان ایله  
مز بوزنک اوچرماه حبس لریله برابر علی و حسنندن  
بر عدد مجیدیه التونی جزای نقدی التسنه حکم  
اولندیغنی حاوی کنغری بدایت محکمه سی جزا  
دائره سندن فی ۲۹ ذی الحجه سنه ۳۰۰ وفی  
۹ تشرین اول سنه ۹۹ تاریخنده صدور ایدن  
اعلامک نقضی مستدعی باش مدعی عمومیلک  
مقام بهیه سندن اعطا یور یلان تبلیغنامه ده باش  
مدعی عمومیلک مأموریتنک استعمال ایده جکی نقض  
حکم صلاحیت قانونیه سی عدلیه نظارت جلیله سنک  
امر قطعیه سنه متوقف بولندیغنه دائر تقدیم قلنان  
فی ۳۰ نیشان سنه ۳۰۰ تاریخلی مذکره به  
جواباً نظارت مشار الیه ایدن تفسیر یور یلان  
فی ۱۸ اغستوس سنه ۱۳۰۰ تاریخلی و اون  
التی نومرولی تذکره علیه ده فی الحقیقه مرقومان  
حقنده تعیین اولنان جزا ایله کندولرینه اسناد

اون دودنجی ماده سنه توفیقاً ذکر اولنان مضبطه  
و اعلام فسح و تقض اولنوب قانونه توفیق معامله  
ایلمک اوزره اوراق مرقومه نک محلنه اعاده سنه  
و خرج تعرفه سنک قرقنجی ماده سی حکمنجه نقض  
اعلامی خرجی اولان ایکبوز غروشک استیفاسنه  
بالاتفاق قرار و یرلری

ز یرده کی اعلام اوچبوز بکر می التنجی نومرولی  
جریده مزه درج ایلمش ایسه ده ترتیبه خیلی  
سهو یاتی اولنوب مالی اکلا شلیه جق درجه ده  
اولدیغنی مؤخرأ کورلدیکندن بو کره بتکرار درجه  
ابتدار قلنشدر

( محکمه تمیز جزا دائره سی )

جنجه به متعلق اعلاملرک مدت استیناف و تمیز لری  
مرور ایلمسی اوزرینه اصول محاکمات جزایه  
قانونک اوچبوز قرق یدنجی ماده سی احکامنجیه  
عدلیه نظارتی طرفندن تحریرأ و یریلان امر قطعی  
اوزرینه محکمه تمیز باش مدعی عمومیه سی مخالف  
قانون معاملات تحقیقه وقوعه کلش و یا خود  
اعلامات و یرلمش اولدیغنی محکمه تمیزک جزا  
دائره سنه خبر و یرسه او قوله معاملات و اعلاماتک  
نقض اولنه جنجی کبی بونی بیان ضابطه عدلیه  
مأمور لریله حکامک دخی اصول محاکمات جزایه



کوریله مدیکنه و محکوملرک لهنده اولق جهته  
شونق حکمدن استفادهلری امثالی حقنده محکمه  
تمیزجه اجتهاد اولسان قاعده معدلته موافق  
بولندیغنه مبنی نظارت مشار الیهادن امر قطعی  
تحریری موجبجه اعلام مذکورک عادیاً نقضی  
بیان اولنسی اوزرینه محکمه تمیز جزا دأره سندن  
اولباده آتیده کی قرار ویرلشد

( قرة حکمیه )

بالجمله اوراق دعوی دخی قرائت اولندقه تبلیغنامه ده  
کوسترلدیکی وجهله اعلام مذکورک جنجه به متعلق  
اولدیغی حالده استیناف و تمیز ایچون قانوناً معین  
اولان مدت مرور ایلش اولسنه و اصول محاکمات  
جزایه قانونک اوچبوز قرق یدنجی ماده سنده  
عدلیه نظارتی طرفندن تحریراً و بریلان امر قطعی  
اوزرینه محکمه تمیزده بولنان باش مدعی عمومی  
قانونه مخالف معاملات تحقیقه وقوعه کلش و یاخود  
اعلامات ویرلش اولدیغی محکمه تمیزک جزا  
دأره سنه خیر ویرر ایسه اوقوله معاملات  
واعلامات نقض اولنه جغی کی بونی بیان ضابطه  
عدلیه مأمورلریله حکام اشبو کتابک دردنجی  
بابک اوچنجی فصلی موجبجه مسؤل طوتیله جقتردر  
دیو محرر بولسنه و سالف الذکر نظارت مشار  
الیهادن وقوعه بولان امر اوزرینه باش مدعی  
عمومیلک مأموریت و الاسندن طلب وقوعه بولسنه  
مبنی مذکور ماده قانونیه نک کوستردیکی مساع  
وجهله خصوص مذکورک تدقیقات تمیزیه سنه

اولنان جرم اره سنده نسبت عادلله بولندیغی کی  
محکمه مذکورجه مابه التطبيق اولان ماده بجهوت  
عنهانک ادعا اولنان فعله اصلا تعلق بولنماسنه  
ومت استینافیه نک کذرائی مناسبیله حکمک  
فسخنه بشقه بر طریق قانونی قالماسنه مبنی اوچبوز  
قرق یدنجی ماده موجبجه اعلام مذکورک نقضی  
طلب اولنسی امر و اشعار بیورلش و مرقومانک  
حرکتلری تطبیق اولنان سالف الذکر ماده  
قانونیه به مغایرعار و حیا علناً فعل شنیع زنا اجرا  
ایدنلرک جزالریه مخصوص اولوب باصقین و برنلر  
حقنده اداره ضابطه جه اصولی دأره سنده  
اتخاذ اولنه جق معاملات تأدییه نک نوع و درجانه  
دأره سکسان الی تاریخنده نشر اولنوب بوکره  
پولیس دأره سندن صورت مصدقه سی جلب ایله  
لفأرسال قلنان تذکره سامیه مندرجاتندن مستبان  
اوله جغی اوزره باصقین ویرنلردن ذکوردن  
اولنلرک درجه تهمتلییه کوره قرق سکز ساعتدن  
برآیه قدر حبس اولنلری لازم کله جکی کی کرچه  
مفتشلکک تحریراتنده و نظارت جلیله نک تذکره سنده  
صراحت یوغیسه ده اعلام مذکور مآله نظراً  
جرم مذکورده مشترک اولان فاحشه دوندی به  
خاتونک دخی مرقومان مثللو ماده مذکور حکمجه  
اوچ ماه حبسنه حکم اولنمش ایسه ده ذکر اولنان  
تذکره سامیه ده باصقین ماده سنده نس و اندن  
اولنلرک ذکورک نصفی مقداری حبس ایله تعزیر  
اولنه جقلمی مصرح بولندیغنه و شو حالده بولنلرک  
درجه جرملییه کوره تطبیق قانون جهتمجه  
اصابت و فعل ایله جزا بیننده عادلانه برنسبت

لدی الابدار مندرجات اعلامه نظراً منهم مرقومان  
علی و حسن ایله مزبوره فاحشه دوندی به خاتونک  
واقع اولان فعل و حرکتلرنده جزا قانوننامه  
همایونک سالف الذکر ایکبوز ایکنجی ماده سی  
حکمنی مستلزم برحال اولدیغی و حتی بو باده  
برکونه ادعا دخی وقوعه بولدیغی حالده اکا تطبیقاً  
اوچر ماه مدته حبس اولنلرییه حکم اولنمش  
اولسی قانون شکنانه بر معامله اوله رق بناء علیه  
تبلیغنامه ده محرر طلب یجا اولغله قانون مذکورک  
اوچبوز اون دردنجی ماده سنه توفیقاً اعلام  
مذکورک عادیاً نقضنه و اوراق مرقومه نک  
اعاده سنه قرار ویرلدی

( محکمه تمیز جزا دأره سی )

متهمک مدافعه سنده معاونت ایتک اوزره تعیین  
اولنان و کیلک وظیفه مدافعه یی ایفا ایلانسی  
واجرای وظیفه دن استنکافی حالنده عزللیه یرینه  
آخر نک تعیین اولنماسی نقض حکمی موجب اولور

( خلاصه اعلام )

وادی شقاوتده کشت و کذار و ابنای سبیلله ایصال  
دست خسار و اثنای درد سترنده زاندارمه نفری  
طاهرک الی جرح ایلک فعللرندن طولانی مستنطق  
قرار نامه سی اوزرینه هیئت اتهامیه جه جنایتله اتهام

اولنان عسکر فراری سی زنجیرچی اوغلی احمد  
و محمد اوغلی بکر و قیری اوغلی ابراهیم والده اولیان  
بورک سلیمانک اجرا قلنان محاکمه علنییه ده طریق  
شقاوتده کزه رک فعل غصبه جرأت ایتدکاری  
موقوفلرک سبقت ایدن اقرارلری و دلائل ایله ثابت  
اولدیغندن مجرم اولدق لرییه و قانون جزانک التمش  
ایکنجی ماده سی ذیلنک قرة اولسنه توفیقاً  
و ابتدای توقیقلری اولان اوچبوز سنه سی جاذی  
الاولسنک یکرمنجی کوندن اعتباراً احمد و بکرک  
دردرو ابراهیم ایله فراری سلیمانک فعل جرح و تعطیل  
عضوه جرأتلری سبب شدت عداولندرق بشرسنه  
مدتله بعدالتشهر کورکه قونلرییه و مصارف  
محاکمه ایله اعلام و سائر خرچلری اولان یک  
ایکبوز الی غروشک تحصیلنه و مدعی شخصیلر  
ظهور ایدوبده حقوق شخصیه دعوا سنده  
بولندقلری حالده ایجابنه باقمسنه و جاهاً و غیباً  
حکم اولندیغنه دأره آیدین سنجانی بدایت محکمه سی  
جزا دأره سندن فی ۱۹ جاذی الاخره سنه  
۱۳۰۱ و فی ۴ نیسان سنه ۱۳۰۰ تاریخنده  
صدور ایدن اعلام حقنده اعتراضه محل اولدیغی  
باش مدعی عمومیلک مقام بهیه سندن و بریلان  
تبلیغنامه ده بیان اولنمش ایسه ده اسباب آتیه به  
مبنی اعلام مذکور محکمه تمیز جزا دأره سندن  
نقض اولنمشدر

( قرة حکمیه )

احکام غیاییه نک رأساً و رسماً تمیزیه مساع قانونی



اولیوب اولبابده برکونه ادعا و اعتراض دخی  
 وقوعبولدیغنه مینی اوراق سائرہ دخی قرائتله  
 یالکز حکم و جاھیدن طولایی تدقیقات تمیزیه اجرا  
 اولندقدہ مواد جنائیہ دن طولایی بعد الاتهام  
 محاکمہ لری اجرا اولنسانلرہ قانوناً وکیل تعیینی  
 حقوق قانونیہ لری محافظہ مقصدینہ مبتنی اولدیغی  
 و بناءً علیہ ذکر اولنسان متهملرہ محکمہ معیندہ  
 بولنان دعاوی وکیللرندن سرکر افندیکن وکیل  
 تعیین اولمش بولندیغی جہتلہ وکیل مومی الیہک  
 عند المحاکمہ وظیفہ درمیانه مجبور اولدیغی  
 مدافعہ حقندہ برکونه صراحت اولیوب یالکز  
 ( کیفیت محکمہ نك عدالتنہ حوالہ ایلدیکی )  
 ضبطنامہ و اعلام مفادلرندن مستبان ایدوکنہ  
 و بصورت سالف الذکر قانونک متهملرہ بخش  
 ایتدیکی حق مدافعہ بی اخلال ایش وکیلک  
 مدافعہ دن استنکافی حالندہ عزلیلہ یرینہ آخرینک  
 تعیینی دخی لازمہ دن بولمش اولدیغنه مینی اصول  
 محاکمات جزائیہ قانونک اوچیوز اون دردنجی  
 مادہ سنہ توفیقاً ذکر اولنسان اعلام نقض اولتمغله  
 اوراق مرقومہ نك محکمہ مذکورہ یہ اعادہ سنہ  
 و خرج تعرفہ سنک قرقجی مادہ سی حکمینجہ نقض  
 اعلامی خرجی اولان ایکیوز غروشک مرقوموندن  
 استیفاسنہ بالاتفاق قرار و یرلدی

( محکمہ تمیز جزا دائرہ سی )

محکمہ جنایتک وظیفہ سی متهمک ادعا اولنان  
 فعلی مرتکب اولوب اولدیغنه قرار و یرمکدن  
 عبارت اولدیغی حالده جنایتلہ اتہامہ و برکونه  
 اسباب کوسترلیہ رک فرارده بولنان متهم حقندہ معاملہ  
 قانونیہ نك بعدہ اجرا اولنسنہ قرار و یرمی یولسز  
 و توجید محاکمہ قاعدہ سنک خلافندہ اولہ جغندن و فعل  
 شنیع دعوارندہ مفعولک سنک بیان اولنماسی تنظیم  
 اعلام اصولنجہ نواقص اساسیہ دن بولتہ جغندن  
 و متهمہ معاونت ایچون محکمہ ضبط کانتینک وکیل  
 تعیین اولنسی حکمت قانونیہ یہ مخالف دوشہ جکندن  
 نقض حکمی اتاج ایدن اسبابندر

( خلاصہ اعلام )

طقسان طقوز سنہ سی نیسانک یکر می اوچیجی  
 کونی انقرہ ده واقع تکه محلہ سی ساکنلرندن  
 شیخ محمدہ فعل شنیع اجرا اولنسندن طولایی  
 مستنطق طرفندن لزوم محاکمہ لری نہ دائر و یریلان  
 قرارنامہ اوزرینہ ہیئت اتہامیہ جہ جنایتلہ اتہام  
 اولنسان انقرہ قصبہ سنندہ واقع عمارت محلہ سی  
 اھالیسندن ولی حاجی اوغلی اون سکنز یاشندہ  
 نعلبند ابراھیم و حاجت تپہ سی محلہ سی اھالیسندن  
 شهاب الدین اوغلی اون سکنز یاشندہ تیمورجی  
 حسینک رفیق لری فراری رضا ایلہ مر قومی بالاغفال  
 اچی جانام محلہ کوتورہ رک اوارادہ جبراً مر قومہ  
 فعل شنیع اجرا ایلدکلرندن بشتقہ درت مجیدہ سیلہ

بر نیتنک دخی الدق لری اجرا قلنسان محاکمہ علانیہ ده ابراھیمک  
 پدر یلہ عمیسی طرفندن مذکور نیتنک اعادہ و درت  
 مجیدہ مؤخرأ و یرلک اوزرہ دعواندن فراغت  
 ایتسنک مر قوم محمدہ رجا اولندیغنک اخبار ایدلسی  
 دلالتیلہ ثابت اولدیغندن جنایتلہ اتہاملرینہ و فراری  
 رضا حقندہ بعدہ معاملہ قانونیہ ایفا اولنلق اوزرہ  
 مر قومان ابراھیم و حسینک قانون جزانک یوز  
 طقسان سکنزنجی مادہ سنہ توفیقاً و یرلک اوچیوز  
 سنہ سی شعبانک برنجی کونندن اعتباراً بعدالتشہیر  
 اوچرسنہ مدتلہ کورکہ قونلرینہ و مصارف محاکمہ  
 اولان یدی یوز طقسان غروشک دخی تحصیلنہ  
 دائر انقرہ ولایتی استیناف محکمہ سی جزا دائرہ سنندن  
 فی ۱۲ رمضان سنہ ۳۰۱ و فی ۲۳ حزیران سنہ ۳۰۰  
 تار یخندہ صدور ایدن اعلام باش مدعی عمومیلک  
 مقام ہبہ سنندن اعطا بیور یلان تبلیغنامہ ده اصول  
 محاکمات جزائیہ قانون موقتک ایکیوز طقساننجی  
 مادہ سی موجبجہ محکمہ جنایتک وظیفہ سی متهمک  
 ادعا اولنسان فعلی مرتکب اولوب اولدیغنه قرار  
 و یرمکدن عبارت اولدیغی حالده جنایتلہ اتہاملرینہ  
 قرار و یرلسی یولسز و مغایر قانون اولدیغی کبی  
 قرار مز بورک اسباب موجبہ سی جہلہ سنندن شاھدلر  
 طرفندن مدعی شخصیدن بر نیتنک اخذ اولنسی  
 خصوصی اولوب حالبوکہ مذکور نیتنک ترھین  
 ایلدیکی اتمکجی حیدک افادہ سنندن اکلشادیغی  
 حالده حیدک شہادتک ردو یا قبولی حقندہ برکونه  
 قرار و یرلامش و فرارده بولنان رضا حقندہ بعدہ  
 معاملہ قانونیہ اجرا قلنہ جغی کوسترلش ایسہ ده

بونک اسبابی ذکر و تصریح ایدلامش و بوایسہ  
 توحید محاکمہ قاعدہ سنجہ و مفعول مر قومک سنک  
 بیان اولنماسی تنظیم اعلام اصولنجہ نواقص اساسیہ دن  
 بولمش اولدیغندن قانون مز بورک اوچیوز اون  
 دردنجی مادہ سی موجبجہ اعلام مذکورک نقضی  
 طلب اولنسی اوزرینہ محکمہ تمیز جزا دائرہ سنندن  
 آتیدہ کی قرار صدور ایتشد

( فقرہ حکمیہ )

اوراق سائرہ دخی قرائتله تدقیقات تمیزیه یہ ابتدار  
 اولندقدہ تبلیغنامہ ده کوستر یلان اعتراضات یجا  
 اولغله برابر متهملرہ مدافعاتندہ معاونت ایتک  
 اوزرہ محکمہ طرفندن ضبط کاتبی شوکت افندیکن  
 انتخاب اولندیغی ضبطنامہ ده مندرج اولوب  
 بوایسہ حکمت قانونیہ یہ مخالف کورندیکنہ مینی  
 اصول محاکمات جزائیہ قانونک اوچیوز اون  
 دردنجی مادہ سنہ توفیقاً اعلام مذکور نقض  
 اولندیغندن قانون دائرہ سنندہ محاکمہ نك اجراسی  
 و نواقص مذکورہ نك اکیلی ایلہ نتیجہ حاصلہ دیکر  
 اعلامہ ربط اولنلق اوزرہ اوراق مر قومہ نك  
 محلنہ اعادہ سنہ و خرج تعرفہ سنک قرقجی مادہ سی  
 منظوقجہ نقض اعلامی خرجی اولان ایکیوز  
 غروشک اخذینہ قرار و یرلدی



( محکمه تمیز جزا دائره سی )

اصول محاکات جزایه قانون موقتک اوچوز اون دردنجی ماده سنده بیان اولنان برائت قرارلندن بشقه مدعی عمومیلرک نفعاً للقانون دعوی تمیزه صلاحیتلری یوقدر

( خلاصه اعلام )

بروسه ده واقع چلبی سلطان مدرسه سی مدرسی راسخ افندیک یلدر خانده ساکن بروسه لی جانب اغایه مسرف ومبرز وساخته کاردیمش اولسندن ناشی قانون جزانک ایکوز اون دردنجی ماده سنه توفیقاً بر التون جزای نقدی اعطاسنه دائر بادیه لاحق اولان حکمک استینافارو یتى حقنده محکمه مذ کوره مدعی عمومیلکندن اعطا اولنان اعتراضنامه نک مدت قانونیه نک مرورندن صکره اعطا اولسندن طولایی ردینه دائر محکمه استیناف جنحه دائره سندن فی ۲۵ ربیع الاخر سنه ۳۰۲ وفی ۲۹ کانون ثانی سنه ۳۰۰ تاریخنده صدور ایدن اعلامک استیناف مدعی عمومیلکی جانبندن اغای مرقوم حقنده تحقیقات مقتضیه اجراسیله فی الحقیقه ساخته کار ومسرف اولدیغی ثابت اولور ایسه حقنده جزا تعیین اولتیق و بالعکس ثابت اوله مدیغی ولغرض افترا واسناد ایدیلدیکی تحقیق ایلدیکی تقدیرده قائلی مفتری جزاسیله تأدیب اولتیق مقتضی اولدیغته مبنی مدت تمیز مرور ایلدیکی جهتله نفعاً للقانون تقضی استدعا اولتسی و باش مدعی عمومیلک مقام بهیه سندن اعطایور یلان

تبلیغنامه ده دخی اصول محاکات جزایه قانون موقتک اوچوز اون دردنجی ماده سنده بیان اولنان برائت قرارلندن بشقه مدعی عمومیلرک نفعاً للقانون دعوی تمیزه صلاحیتلری اولدیغته دائره برصراحت قانونیه دسترس اولنه مدیغته بناء تمیز استدعاسنک ردی کوسترلسی اوزرینه محکمه تمیز جزا دائره سی آتیده کی قراری اتخاذ ایشدر

( فقره حکمیہ )

ایجابی لدی المذاکره اعلام مذ کورک نفعاً للقانون نقضی استیناف مدعی عمومیلکندن استدعا اولتیش ایسه ده محکومیتنه متدائر بولتسنه واصول محاکات جزایه قانونک اوچوز اون بشنجی ماده سی اقتضاسنجده مدعی عمومیلرک نفعاً للقانون نقض حکم طلبنده بولتلیری انجق برائت قرارلرینه منحصر اولهرق بومثللو محکومیت قرارلرینه شمولی کور یه مامسنه و باش مدعی عمومیلک مأموریت علیه سندن دخی ماده مخصوصه سنه استناداً بوبابده برطلب وادعا وقوعبولمامسنه بناء استیناف مدعی عمومیلکنک سالف الذکر تمیز استدعاسنک بر موجب تبلیغنامه ردینه قرار ویرلدی

# اعلان

سلیمان افانک برنجی حقوق دائره سندن فی ۱۴ کانون ثانی سنه ۳۰۰ تاریخلی ویریلان اعلام موجبنجیه فاطمه خانمه دینی اولان مبالغ معلومه نک تأمین استیفاسیچون مدیون مرقوم سلیمان افانک عهده تصرفنده اولدیغی قیداً تبین ایدوب تحت حجزه الدیر یلان قپان دقیق جوارنده حضرک محله سنده مزارلق زقاغنده کاش تخمیناً طقسان یدی مترو اون ایکی سالتیم یعنی یوز التمش طقوز ارشون اون التی پرهق اوزرینه انشاقلمقده اولان وهنوز ناتمام بولنان درت نومرولی بر باب خانه نک نصف حصه سنک تاریخ اعلانن اعتباراً اون بش کون صکره بالمزایده فروختنه تشبث اولنه جنجی در سعادت بدایت محکمه سی مرکز اجرا دائره سندن اعلان اولنور

فی ۴ تشرین اول سنه ۱۳۰۱

چرکس محمد بیکک  $\frac{۲۲}{۲۱}$  نومرولی اعلام موجبنجیه مؤذن حضرت شهر یاری علی افندی یه دینی اولان مبالغ معلومه نک تسویه سی ضمننده طوبخانه ده قره باش محله سنده اوچنجی دره زقاغنده اون واون ایکی واون درت واون التی نومرولرله مرقم درت

باب خانه ده والده سی متوفاه نایشه خانمدن منتقل متصرف اولدیغی برربع حصه شایعه لری تاریخ اعلانن اعتباراً اون بش کون صکره بالمزایده فروخت ایتدیر یله جنکی بک اوغلی بدایت محکمه سی اجرا مأموریتی جانبندن اعلان اولنور فی ۵ کانون اول سنه ۳۰۱

~~~~~

در سعادت بدایت محکمه سی ایکنجی حقوق دائره سندن فی ۳ نیسان سنه ۳۰۱ تاریخلی ویکرمی التی نومرولی ویریلان برقطعه اعلام موجبنجیه حلواجی اسماعیل اوسته نک بدل صلح اولهرق صدیقه خانمه دینی اولان مبالغک تسویه سیچون مرقومک عهده تصرفنده بولنان جراح پاشاده جانباز یه محله سنده قوجه مصطفی پاشا جاده سنده واقع برطرفی طاتلی قیو زقاغی و برطرفی حلاج دکانی ارقه سی جانباز یه جامع شریفی حوالیسی اوکی جاده مذکور ابله محدود اون درت ارشون جدید ویکرمی درت ارشون سکر پرمق عتیق عرصه اوزرینه مبنی فوقنده براوطه و بر ابدستخانه وتختنده بر بودرمی حاوی اوتوز بش نومرولی کارکیر بر باب حلواجی دکانی تمامی بوندن اقدام بالمزایده لیرا یوزغروش حسابیله یدی بیک بشیوز غروشده طالبی عهده سنده تقرر ایتیش اولدیغندن تاریخ اعلانن اعتباراً نهایت اوتوز برکونه قدر یوزده بش ضمیمه زیاده یه طالب اولنلرک



در سعادت بدایت محکمه سی اجرا دائره سنه  
مراجعت ایللری اعلان اولنور  
فی ۱۱ کانون اول سنه ۱۳۰۱

~~~~~

قره بت و ارتین پاپاز یان افندیلرک مز اقیان ماطیوس  
افندی ایله روسیه دولتی تبعه سندن کیغورک  
سرپوسیانه اولان دبون محکومدر ینک تسویه سیچون  
مقدمه موقع مز ایدیه قونیلان مقری قریه سنده  
و اپور اسکله سنده ساقر اغاجی جاده سنده مع خانه  
بر باب غازینو ایله مؤخرأ اوزرینه بر قطعه صلاح  
و بر کورجی دکانی و دیگر بر باب خانه انشا  
اولمش اولان علی التخمین اون اون ایکی بیک زراع  
عتیق بر قطعه عرصه نك نصف حصه سی عثمانلی  
ایراسی یوز غروش حسابیله التمش بیک و یکی  
قپو جوارنده یکی محله جاده سنده بیکرمی سکر  
نومرولی بر باب آخور ایله اون بش نومرولی  
فوقانی و تحتانی اون بش او طه و ایکی صغه و بر  
مطبخ و ایکی قورنه لی جام و مشتلات ساثره بی  
حاوی و شهری درت عدد عثمانلی لیراسی کیرا  
کتوریر بر باب ساحلخانه نصفی اون بش بیک  
و محمود پاشاده طراقچیلر جاده سنده شهری سکسان  
غروش کیرا کتوریر طقسان اوچ وینه مز بور  
جاده شهری قرق غروش کیرا کتوریر طقسان  
بش نومرولر ایله مرقم ایکی باب دکانک نصف

حصه لری اوچ بیک و بیوک ایکی خنده اوست  
قائده شهری یوز غروش کیرا کتوریر بیکرمی سکر  
نومرولی بر باب او طه نك نصف حصه سی اوچ  
بیک بشیوز غروش بدالر ایله طالبلری عهده لرنده  
قلمش و تاریخ اعلاندن اعتبارأ اوتوز بر کونه  
یعنی کله جک کانون ناینک اون برنجی جمه ابرتسی  
کونی ساعت اون قدر املاک مذ کورده دن ایکی  
باب دکان ایله بر باب او طه حصه لری و شهر  
مذ کورک اون ایکنجی بازار کونی ساعت  
اون قدر ساحلخانه و آخور حصه لری و کذا شهر  
مذ کورک اون طقوزنجی بازار کونی ساعت  
اون قدر مقری قریه سنده واقع مع مشتلات  
عرصه حصه لری یچون یوزده بش ضم قبول اولنمی  
و ذکر اولنسان ایام و اوقاتده صوک مز ایدلری  
بالاجر اقرار قطعیلری و یر یله رک طالبلری عهده لرنده  
چکورلمسی مقرر بولنمش اولدیغندن و اندن صکره  
هرنه ضم وقوعه بور ایدسه قبول اولنمیه جفتدن  
مذ کور حصه لره یوزده بش ضم ایله طالب  
اولنلرک ودها زیاده معلومات المی استیانتلرک  
مذ کور مدتلر ظرفنده محکمه تجارت اجرا دائره سنه  
مراجعت ایللری و ایام و اوقات مز بورده محل  
مذ کورده حاضر بولنلری اعلان اولنور  
فی ۱۱ کانون اول سنه ۳۰۱

~~~~~